

李文忠公全集

奏稿

五十

李太師公全集卷之四

四

李文忠公奏稿

卷之七十九目錄

海防練軍請銷摺

光緒二十年九月初一日

覆陳兵差賃價片

光緒二十年九月初一日

撥協新疆鎗礮腳價片

光緒二十年九月初一日

永定工員保額從寬片

光緒二十年九月初三日

大東溝戰狀摺

光緒二十年九月初七日

左寶貴三子請加

恩片

光緒二十年九月初七日

海軍懲勸章程片

光緒二十年九月初七日

林國祥接帶濟遠片

光緒二十年九月初七日

瞿思圖回國片

光緒二十年九月十七日

近省隄河銀數摺

光緒二十年九月十七日

請添撥備倭餉需摺

光緒二十年九月二十三日

籌辦采運難拘成例片

光緒二十年九月二十三日

海戰請獎摺

光緒二十年九月二十三日

海戰請獎卹西員片

光緒二十年九月二十三日

海戰陣亡請卹片

光緒二十年九月二十三日

彙覆鐵路電報等事摺

光緒二十年九月二十六日

查覆運糧無弊摺

光緒二十年十月二十六日

查覆龍殿揚吳懋鼎參案摺

光緒二十年十月二十六日

林泰曾自盡出缺片

光緒二十年十月二十六日

旅順失守摺

光緒二十年十月二十八日

查參龔照璵片

光緒二十年十一月十二日

查無米船暗藏火藥片

光緒二十年十一月十四日

管駕運船洋員請獎片  
光緒二十年十一月十四日

籌辦晉撫銀米數目摺  
光緒二十年十一月十五日

永定浚船經費改辦椿料摺  
光緒二十年十一月十七日

覆陳存礮無可勻撥摺  
光緒二十年十一月十七日

獎勵洋商片  
光緒二十年十一月二十九日

軍機大臣密寄  
光緒二十一年正月二十日奉到

預籌赴東議約情形摺  
光緒二十一年二月初六日

軍機大臣密寄  
光緒二十一年二月初七日奉到

軍機處王大臣慶邸等公奏摺  
光緒二十一年二月初七日

籲辭使俄摺  
光緒二十一年十二月二十七日

使俄謝恩摺  
光緒二十一年十二月二十九日

李經方隨往片  
光緒二十一年十二月二十九日

隨帶人員摺

光緒二十二年正月十三日  
附清單

洋員參贊片

光緒二十二年正月十三日

懇

恩月簡勘河大臣摺

光緒二十四年十月初一日

查勘山東河工酌帶人員摺

光緒二十四年十月  
日

勘籌山東黃河會議大治辦法摺

光緒二十五年二月初十日  
附清單

籌議山東河工救急治標辦法摺

光緒二十五年  
月  
日  
附清單二件

代陳盧法爾擬辦河新法片

光緒二十五年  
月  
日  
附原稟

李文忠公奏稿卷七十九

全集一之七十九

桐城吳汝綸編錄

海防練軍請銷摺

光緒二十年九月初一日

奏爲查明天津海防練軍光緒十九年分收支各款照章造冊請  
銷恭摺仰祈

聖鑒事竊據天津支應局司道詳稱天津練軍及大沽葛沽北塘  
海口各礮臺防營並雲字營馬隊營務處小队應需餉項向由津  
海關六成洋稅招商局稅洋藥釐捐東海關協餉長蘆鹽斤復價  
正雜課各項內隨時籌撥樽節支放嗣因東海關六成洋稅湊付  
洋債無款協解改在天津釐捐項下動用業將光緒十八年以前  
收支款目疊次奏咨准銷其奉部行查各款亦經另文登覆在案  
所有十九年津防各營隊應支廉俸公費餉乾薪糧等項並大沽

北塘各海口礮臺經費以及設局辦公租賃民房添置帳棚旗幟  
號袿采買製造軍火子藥悉照奏定章程歷年准銷成案核實支  
放茲造具光緒十九年分收支細數清冊詳請奏咨前來臣逐加  
覆核自十九年正月起至年底止舊管項下實存銀一千六百八  
十二兩零新收各款並本案扣收平餘共銀四十萬二千七百五  
兩零開除支款悉照定章毫無浮濫應歸戶部核銷銀三十四萬  
三千四百五十兩零工部核銷銀三萬四千九百四十一兩零合  
共銷銀三十七萬八千三百九十一兩零應存銀二萬五千九百  
九十六兩零已支發二十年分餉項列入下屆滾接造報其奉部  
核准歷年墊支不敷銀二萬一千一百七十八兩零仍於冊內列  
報另案核辦所有光緒十九年天津海防練軍收支餉銀請銷緣  
由除清冊咨部外理合恭摺具

奏伏乞

皇上聖鑒敕部核銷謹

奏

皇土聖樂神祇

卷之三

覆陳兵差賃價片

光緒二十年九月初一日

再准工部核覆直屬各州縣光緒十年起至十二年止供應兵差租賃民房棚廠以賃價浮多應令刪減另造妥冊送部核辦等因飭據藩司裕長查得直屬支應兵差自光緒八年部定新章以後均係按照例章逐案核實造報如光緒九年工部核覆光緒五六年兩年兵差過境租賃店房棚廠用款以按例核算相符上屆造送光緒七年起至九年止兵差銷冊亦經工部核准又查戶部軍需則例內載官兵沿途住宿如帳房不便預租店房每大閒給銀四錢每小閒給銀三錢又馬騾應需棚槽沿途過站拴喂每馬二十匹給馬棚一閒每閒給銀五錢先今查造銷冊均係按照此例開報各屬亦照此數供應不任稍有參差細核本屆請銷光緒十年起至十二年止供應兵差各項與歷次准銷部覆並無歧異且兵

差過境朝夕靡定多寡不一所需房廠刻不容緩各屬隨時查探預爲租備以免臨時貽誤兵差行程最速向按租用閒數照例給價並不計其時日設遇兵數馬數稍多店房馬棚不敷租賃必須隨時搭蓋亦不另給工價照例口外拴喂馬匹搭棚一間容馬八匹給工價銀一兩二錢核計直屬供應每棚一間拴馬二十四匹給銀五錢並無浮多前奏聲明兵差到站各屬向民間重價租賃較例定價銀多至數倍委係實在情形實屬無可刪減請仍照前冊核銷以符向案而免賠累等情具詳前來理合附片具陳伏乞

聖鑒敕部查照謹

奏

撥協新疆鎗礮腳價片

光緒二十年九月初一日

再前因新疆籌辦邊防需用新式快礮洋鎗等項經臣遵奉

諭旨由北洋酌量撥給遴派熟習演放鎗礮人等護運前往並派  
記名提督蘭福喜專司管解隨帶馬勇長夫人等由津起程前赴  
新疆應需薪費糧乾川資價腳等項即在張家口地租項下動撥  
業經咨部立案所有前項用款計應歸戶部核銷銀三千七百七  
十兩零兵部核銷銀三千七百三十七兩零工部核銷銀三百七  
十兩零合共銷銀七千八百七十八兩零據天津支應局司道造  
具細數清冊詳請奏銷前來臣逐加覆核均係實用實銷並無絲  
毫浮濫除清冊分咨外謹附片具陳伏乞

聖鑒敕部照數准銷謹

奏

...

...

...

...

...

...

...

...

...

...

...

永定工員保額從寬片

光緒二十年九月初三日

再盧溝橋西岸建立減水大石壩本屆伏秋兩汛長水至二十五次減壩過水六尺二寸大溜拍岸盈隄幾有全河莫容之勢卒能搶護安瀾河流順軌實屬辦理得法成效昭然伏讀本年二月初九日

上諭嗣後永定河保案除興辦大工不在尋常漫口合龍歲修各工之列者准由該督奏明請旨辦理外其常年防汛漫口合龍等工仍照尋常勞績給獎每案人數至多不得逾五十員等因欽此此次添建減水大壩設立河防局修辦兩岸工程創拋甆石均係奏奉

特旨允准

欽派東河督

臣許振禱來工勘籌與尋常歲修情形不同所有辦

工各員自應奏明請

旨從優給獎以示鼓勵查歷辦開壩工程均須先期購備料物必待積年而後成此項大工自二月初十日開辦起至五月十五日卽已告竣工程之艱鉅限期之急迫爲向來所未有除廳汛外遴派候補候選熟悉工程一百數十員又由山東河工調用鐵軌運送土石分投趕辦晝夜兼營並將南北兩岸埽工數千段概加修補或添做邁埽抵禦橫流或改築挑壩拋護甃石自春徂夏寢處弗遑在事各員勤勞倍著若祇准請保五十員向隅甚多殊不足以昭激勸可否仰懇

天恩俯念此次興辦大工爲時過促用人較多迥非尋常歲修各工可比請獎額數酌量從寬其尤爲出力各員並准按照異常勞績給獎出自逾格

慈施如蒙

俞允臣仍當從嚴核辦力杜冒濫至多不得過一百人之數以示限制至常年防汛人員應照向章俟兩屆安瀾再行彙案請獎除將辦工各員銜名咨部立案外理合附片陳請伏乞

聖鑒訓示施行謹

奏